

## ՎԵՐԼՈՒԾՈՒԹՅՈՒՆ

### «Բուհ-գործատու համագործակցության եզրեր» խորագրով աշխատաժողովին հրավիրված գործատուների շրջանում անցկացված հարցումների


Աշխատաշուկայի պահանջներին համապատասխան և մրցունակ կրթական ծառայություններ մատուցելու նպատակով ՀՖԿՍՊԻ-ն 2018թ. մարտի 28-ին կազմակերպել է «Բուհ-գործատու համագործակցության եզրեր» խորագրով կլոր սեղան-քննարկում, որի ընթացքում հանդիպմանը մասնակցած 11 գործատուների կողմից կրթական ծրագրերի վերանայման վերաբերյալ լրացված հարցաթերթիկների հիման վրա կատարվել է հետազոտություն:

Նշված աշխատաժողովին մասնակցել են արտաքին շահակիցներ, այդ թվում գործատուներ հետևյալ կազմակերպություններից՝ №196 հիմնական դպրոց, Երևանի պետական համալսարան, ՀՀ պետական կառավարման ակադեմիա, Հայաստանի գործատուների հանրապետական միություն, Արտակարգ իրավիճակների նախարարություն, «Երկիր Մեդիա» հեռուստաընկերություն, Հանրապետական մանկական վերականգնողական կենտրոն ՓԲԸ, Արաբկիր Բժշկական համալիր երեխաների և դեռահասների առողջության ինստիտուտ, «Ալտմեդ» վերականգնողական և ավանդական բժշկության կլինիկա, Երևանի Շենգավիթ համալիր մարզաձևերի ՄՊՄԴ ՀՈԱԿ, Հայկական հատուկ օլիմպիականներ ՀԿ-ն ներկայացուցիչներ:

Հարցման նպատակն էր ճիշտ գնահատել ուսումնական գործընթացների կազմակերպումն ու շրջանավարտների մասնագիտական կարողությունը: (Հավելված 1): Աշխատաժողովին հրավիրված գործատուներից 2-ի մոտ բուհի շրջանավարտները ոչ միայն աշխատում են, այլև սովորում և պրակտիկա անցնում: Մնացած 9-ը հաստատություններում 2018 թվականի դրությամբ աշխատում են ինստիտուտի 94 շրջանավարտներ: Ըստ հարցման արդյունքների՝ ՀՖԿՍՊԻ-ի շրջանավարտներին կազմակերպությունների աշխատանքային պահանջներին համապատասխանելու համար անհրաժեշտ է 1-6 ամիս:

Հարցվող գործատուների 90,5%-ը ապահովում է վերապատրաստման հնարավորություն իր աշխատակիցների համար: Նրանցից 37%-ը գիտելիքի, հմտությունների պակասի խնդիրը լուծում է վերապատրաստումների միջոցով:


63%-ը կարծում է, որ գիտելիքի և հմտությունների պակասը աշխատակիցները կարող են լուծել համատեղ դասընթացների, միջոցառումների, գործնական պարապմունքների և պրակտիկայի միջոցով(գծապատեր 1):



Գործատուների միայն 82%-ն է պատասխանել այն հարցին, թե վերապատրաստումները որտեղ են անցկացվում: Նշված պատասխանների 45%-ը վերաբերում է կազմակերպությունում անցկացվող վերապատրաստումներին, 12%-ը՝ կազմակերպությունից դուրս անցկացվող վերապատրաստումներին, իսկ 43%-ը աշխատակիցներին վերապատրաստում է և՛ կազմակերպության ներսում, և՛ նրանից դուրս:

Շրջանավարտների տեսական, գործնական, մասնագիտական որակները գնահատել են հարցվողների 64%-ը՝ 7 գործատու: Գնահատել են 0-10 միավորներով, որտեղ 0-6 միավորները ձևավորել են ցածր սանդղակը, 7-10 միավորները՝ բարձր սանդղակը: Շրջանավարտն աշխատակիցների՝ տեսական, գործնական և մասնագիտական գիտելիքները, հարցվողները գնահատել են հետևյալ կերպ. բարձր գնահատական են տվել՝ տեսական՝ 55%, գործնական՝ 45%, մասնագիտական՝ 71%: Ցածր գնահատականների պատկերն այսպիսին է՝ տեսական՝ 45%, գործնական՝ 55%, մասնագիտական՝ 29%: (Գծապատեր 2)


Գծապատեր 2



ՀՖԿՄՊԻ-ի շրջանավարտ աշխատողների աշխատանքային գործառույթների իրականացման համար անհրաժեշտ անձնային հատկանիշները (հաղորդակցվելու

մշակույթ, խմբում աշխատելու ունակություն, պատասխանատվություն ստանձնելու կարողություն, աշխատանքային կարգապահություն, ինքնուրույն որոշումներ կայացնելու կարողություն) գնահատել է գործատուների 64%-ը՝ 7 հոգի: Գնահատել են 0-10 միավորներով, որտեղ 0-6 միավորները ձևավորել են բացասական սանդղակը, 7-10 միավորները՝ դրական սանդղակը: Գնահատման ամբողջական պատկերը %-ով այսպիսին՝ 26%-ը տվել է ցածր գնահատական, իսկ 74%-ը՝ բարձր: (Գծապատեր 3)


Գծապատեր 3



Գործատուների 45%-ը հավասար պայմաններում կարևորում են շրջանավարտ աշխատողների կրթական աստիճանը կամ գիտական կոչումը, իսկ 55%-ը դրան կարևորություն չի տալիս:

Տարբեր կրթական աստիճան ունեցող շրջանավարտ աշխատակիցների միջև գործատուների 27,5%-ը տարբերություն տեսել է, տարբերություն չի տեսել 27,5%-ը և մասնակի է տեսել տարբերություն 45%-ը:(Գծապատեր 4):


Գծապատեր 4



Հարցման մասնաից գործատուների ներայացուցիչների 64%-ը՝ 7 գործատու, ՀՖԿՍՊԻ-ում պատրաստված մասնագետների մոտ՝ որպես առավելություն և թերություն առանձնացրել են հետևյալը՝

| Առավելություններ  | Թերություններ                            |
|---|--|
| 1.Գիտելիք և կարողություն                                    | 1.Հեգնական վարքը                         |
| 2.Թիմային աշխատանքի և ստեղծարար մոտեցումներին հակված լինելը | 2.Ծխելը                                  |
| 3.Ֆիզիկական պատրաստվածությունը                              | 3.Փորձի պակասը                           |
| 4.Հստակ գիտակցում և պատկերացում է իր առջև դրված խնդիրները   | 4.Պրակտիկայի պակասը                      |
| 5.Պատասխանատվության զգացումը                                | 5.Լեզուների չիմացությունը                |
| 6.Հարգալից վերաբերմունքը                                    | 6.Հմտությունները տեսականորեն չիմնավորելը |

Հրավիրված գործատուներից բոլորը համագործակցում էին ՀՖԿՍՊԻ- ի հետ: Նրանցից միայն մեկի կազմակերպությունն էր, որ այլ բուհերի հետ նույնպես համագործակցում էր: ՀՖԿՍՊԻ-ի հետ համագործակցության արդյունավետությունը 0-10 միավորով գործատուները գնահատել են հետևյալ կերպ՝ (Գծապակեր 5):



Գործատուների 100%-ը պատրաստվում է շարունակել համագործակցությունը ՀՖԿՍՊԻ-ի հետ:

Շրջանավարտների որակը բարձրացնելու համար գործատուները ներկայացրել են հետևյալ առաջարկությունները՝

- Շատացնել պրակտիկ գիտելիքների քանակը:
- Ավելացնել պրակտիկայի ժամերը:
- Կարևորել ուսումնական պրակտիկան՝ երկարացնելով ընթացքը, հագեցնելով ծրագիրը և իրականացնելով մոնիթորինգ:

- Պրակտիկայից մաքսիմալ մեծ օգուտ քաղել:
- Տարին 1 անգամ մարզիկների համար սեմինար պարապունքներ իրականացնել՝ հոգեբանության, ֆիզլոգիական, կենսամեխանիկական, մանկավարժական առանձնահատկությունների վերաբերյալ:
- Գիտահետազոտական բաղադրիչի ուժեղացում:
- Ուժեղացնել դպրոց -ՀՖԿՍՊԻ կապը:
- Ավելացնել պրակտիկ դասերի քանակը:

Ելնելով մեր կատարած հարցումների վերլուծության արդյունքներից՝ կարելի է եզրակացնել՝

1. Ինստիտուտի շրջանավարտ աշխատակիցների մասնագիտական որակները ցածր են:
2. ՀՖԿՍՊԻ-ի շրջանավարտ աշխատակիցների աշխատանքային գործառույթների իրականացման համար անհրաժեշտ անձնային հատկանիշները բարձր են:
3. Շրջանավարտներին պակասում է փորձը և պրակտիկան:
4. Շրջանավարտ աշխատողները չունեն օտար լեզվի իմացություն, որն էլ ենթադրում է աշխատանքում դժվարությունների առկայություն:
5. Բոլոր գործատուները պատրաստվում են շարունակել համագործակցությունը ՀՖԿՍՊԻ-ի հետ:
6. Ուսման և շրջանավարտների մասնագիտական որակը բարելավելու համար բուհը պետք է ավելացնի՝ պրակտիկ գիտելիքների, պրակտիկայի ժամերի, պրակտիկ դասերի քանակը:
7. Շրջանավարտ աշխատակիցների մոտ նկատվել է «փափուկ հմտությունների» պակաս հատկապես միջանձնային հաղորդակցությունների տեսանկյունից:

## Առաջարկություններ

Ամփոփելով հետազոտության արդյունքները՝ Պրակտիկայի և կարիերայի բաժինը և ՈԱԲ-ը ներկայացնում են հետևյալ առաջարկությունները, որոնք կարող են նպաստել ինստիտուտի ուսումնական գործընթացների կազմակերպման բարելավմանը և ուսանողների հմտությունների լավացմանն ու խորացմանը:

1. Բուհում ավելացնել փորձնական դասերի քանակը և երկարացնել ուսանողների պրակտիկայի ընթացքը:
2. Ապագա մասնագետների հետագա մասնագիտական գործունեությունը ավելի արդյունավետ դարձնելու նպատակով ՀՖԿՍՊԻ-ում ավելացնել լեզվի դասերի ժամաքանակը:



## Հավելված 1

### ՀԱՐՑԱԹԵՐԹ

#### **Հարգելի գործընկերներ.**

Հայաստանի ֆիզիկական կուլտուրայի և սպորտի պետական ինստիտուտը իրականացնում է մասնագիտական կրթական ծրագրերի գնահատում և վերանայում: Աշխատաշուկայի պահանջներին համապատասխան և մրցունակ կրթական ծառայություններ մատուցելու նպատակով ինստիտուտը ուսումնասիրում է իր հիմնական շահակիցների կարծիքը բուհում իրականացվող ուսումնական գործընթացների կազմակերպման և շրջանավարտների որակի վերաբերյալ:

Մեզ համար կարևոր է Ձեր անկեղծ կարծիքը և նախապես շնորհակալ ենք համագործակցելու և հարցաթերթիկի լրացմանը ժամանակ տրամադրելու համար:

#### **Ընդհանուր տեղեկություններ**

1. Ձեր կազմակերպության անվանումը

---

2. Կազմակերպության հասցեն

---

3. Կազմակերպության հիմնադրման տարեթիվը \_\_\_\_\_

4. Կազմակերպության աշխատակիցների ընդհանուր թիվը \_\_\_\_\_

5. Ո՞ր սեկտորում է գործում կազմակերպությունը /պետական, մասնավոր, հասարակական

6. Կազմակերպության գործունեության հիմնական ոլորտը

---

7. Ձեր պաշտոնը

---

8. Ձեր աշխատանքային փորձը \_\_\_\_\_

**Գործադրուի կարծիքը ՀՖԿՍՊԻ-ի շրջանավարտի վերաբերյալ**

9. ՀՖԿՍՊԻ-ի քանի՞ շրջանավարտ է աշխատում Ձեր կազմակերպությունում

\_\_\_\_\_

10. Որքա՞ն ժամանակ է պահանջվում ՀՖԿՍՊԻ-ի շրջանավարտին ձեր կազմակերպության աշխատանքային պահանջներին համապատասխանեցնելու համար \_\_\_\_\_

11. Ինչպե՞ս եք լուծում գիտելիքի կամ հմտությունների պակասի խնդիրը

\_\_\_\_\_

12. Կարողանո՞ւմ եք ապահովել Ձեր աշխատակիցների համար վերապատրաստման հնարավորություններ /Այո, Ոչ, Երբեմն/

13. Եթե այո, ապա ինչպե՞ս եք կազմակերպում վերապատրաստումը. կազմակերպությունում կազմակերպությունից դուրս

այլ \_\_\_\_\_

14. Եթե Ձեր կազմակերպությունում առկա են ՀՖԿՍՊԻ-ի՝ վերջին 3 տարիների շրջանավարտներ, ապա ինչպիսի՞ տարբերություններ եք նկատել նրանց մասնագիտական որակների առումով:

\_\_\_\_\_  
\_\_\_\_\_

15. Ինչպե՞ս կգնահատեք ՀՖԿՍՊԻ-ի շրջանավարտի մասնագիտական որակները /գնահատեք 0-10 միավորով/.

- տեսական գիտելիքները \_\_\_\_\_
- գործնական կարողությունները \_\_\_\_\_
- մասնագիտական հմտությունները \_\_\_\_\_



16. Ինչպե՞ս կգնահատեք ՀՖԿՍՊԻ-ի շրջանավարտի աշխատանքային ֆունկցիաների իրականացման համար անհրաժեշտ անձնային հատկանիշները /գնահատեք 0-10 միավորով/.

- հաղորդակցվելու մշակույթ \_\_\_\_\_
- խմբում աշխատելու ընակություն \_\_\_\_\_
- պատասխանատվություն ստանձնելու կարողություն \_\_\_\_\_
- աշխատանքային կարգապահություն \_\_\_\_\_
- ինքնուրույն որոշումներ կայացնելու կարողություն \_\_\_\_\_

17. Հավասար պայմաններում կարևորում ե՞ք շրջանավարտի կրթական աստիճանը կամ գիտական կոչումը / Այո, Ոչ /:

18. Փաստացի տարբերություններ նկատել ե՞ք տարբեր կրթական աստիճան ունեցող շրջանավարտների միջև / Այո , Ոչ, Մասնակի/

19. Կարո՞ղ եք նշել ՀՖԿՍՊԻ-ում պատրաստված մասնագետների մի քանի.

Առավելություններ

---

Թերություններ

---

20. Ինչպիսի՞ քայլեր կառաջարկեիք ձեռնարկել ՀՖԿՍՊԻ-ի ղեկավարությանը շրջանավարտների որակը բարձրացնելու համար

---

---

**ՀՖԿՍՊԻ-ի հետ համագործակցելու հնարավորությունները**

21. Ունեցե՞լ եք արդյոք ԲՈՒՀ-երի հետ համագործակցության փորձ / Այո Ոչ/:

22. Ունեցե՞լ եք արդյոք ՀՖԿՍՊԻ-ի հետ համագործակցության փորձ /Այո Ոչ/:

23. Եթե այո, ապա գնահատեք համագործակցության արդյունավետությունը 0-10 միավորով:

|   |   |   |   |   |   |   |   |   |    |
|---|---|---|---|---|---|---|---|---|----|
| 1 | 2 | 3 | 4 | 5 | 6 | 7 | 8 | 9 | 10 |
|---|---|---|---|---|---|---|---|---|----|

24. Պատրաստվում եք արդյո՞ք շարունակել համագործակցությունը / Այո Ոչ /:

**Շնորհակալություն համագործակցության համար**